



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1846**

LXVIII. Verkauf der Mühle zu Boister, vom 18. Febr. 1484.

---

---

**Nutzungsbedingungen**

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

Vertel Landes in iudicio ville Rengerslage iacentem venerabili Domino Conrado Vofs claustrii Hilgenraue Havelbergensis dioceseos preposito, quam idem dominus Conradus cum eodem ramo acceptavit, — Judex fuit Stephan Hoppefack, assessores sunt sui complices ac villani ibidem in Rengerslage Kone Konen, Claus Ghiesen, Michel Rudau, Claues Dames, Heine Witte — — pro recognitione istius emtionis atque venditionis dictus Dominus eis vnam tunnam cerevisie, iudicii tres solidos et tres denarios Stendalienses pro pace et suo officio dedit.

LXVIII. Verkauf der Mühle zu Boister, vom 18. Febr. 1484.

Ik Achim Yownre, molnere thome Boystere bekennen — dat ik — verkope — to eynem rechten erfliken ewigen erfikope deme duchtigen Achim Voffe, wanhaftich to deme Vylebome, Margarethen syner eliken husfrouwen vnde erere twyere rechten rechten eruen sodane myne Molne belegen vor deme Boystere myt deme erfihufe vnde gehofte myt allen sthanden eygen vnde liggenden grunden ok myt den grauen vnde visschereyen — vor viff vnde souentich Marck Stendalscher weringen, de my de gnante Achim Voff vpp eineme summen bynnen deme Boystere to gantzer genoge vul vnde all wol betalet vnde bereydet hefft vnde vorthan in myne vnde myner eruen nuth vnde framen ghentzliken syn gekomen. Vnde ick erfereuen Achym Yownre myt meynen rechten eruen schal vnde wil deme genanten Achym Voffe, Marghareten syner eliken hufffrouwen vnde orer twyer rechten eruen des gudes vnde kopes myt alle syner tobehoringhen vore gebaren vnde vngebaren eyne recht geware wesen vore alle ansprake gheiltlikes vnde wertlikes gerichtes, vore alle de ghenne, de de vore recht kommen, recht gheuen vnde nehmen willen, so vaken alse en des noet vnde behuff wert synde: vnde sette en dare myt von stund an in de rouwelike fredesamme brukende were myt craft des ses mynes apenbryfes: vnde Achim Voff mit syner gnanten husfrouwen vnde eren rechten eruen vnde nakomelingen schullen von der sulstigen molne vnde ghude alle iare nicht mehre gheuen to plegen effte tynsen denne alleyne alle iare twe punt wasses inth ghadeshuff vnde achteyn honre den Deken vnde heren thome Boystere vnde met alle nictes nicht mehre dare von yemande to gheuende. Vnde to vordere vorwaringhen hebbe ick ergenante Achym Yownre dem erfereben Achim Voffe sodan myne molne vnde gud met aller tobehoringen vor deme vndere Praueste, allen Domheren, Schulten vnde ghemeynen buren thome Boystere vnde vore geheget Dyngk myt hande vnde munde, vnde met eyneme Risse upp gegheuen, vorlaten vnde varaygent, dat Achim Voffe von deme Richtere vnde gemeynen buren is bestedet vnde na orer wonheyt is vorewetet geworden vore Gerichte. Richtere hire auer is gewesen Albrecht Radeballe, dinckpflichtigen to tuge weren heningh Wilde, Herme Swarte, Jacob Schomaker vnde vele mere framer lude. Hire by an vnde auer dessem varfereuen kope vnde vorlatyngen syn ok to tuchniffen gewesen de Erhaftige vnde Erfamigen Eren Peter vanne Sande vnderprauest, Drewes von dem berge, Kerften Deffow, Curt Mule, Hans Stapelman vnde vele mehre louen faste bedderue frame lude. Vnde — hebbe ick ergenante Achim Yownre myn ingefegell vore my vnde mynen rechten eruen williken laten hangen an desen mynen apen briff, de geuen vnde gescreuen is na Christi vnfers Heren gebort Dufend virhundert iare in vir vnde achtentigsten iare, am middeweken na Valentini martiris.